

Naqqiut

Akissuteqaammut 2. november 2021-mi ullulerneqarsimasumut taarsiuksaq

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarnera pillugu Inatsisartut inatsisaat

(Aningaasaqarnermut Nunamullu Namminerumut Tunngassutilinnut Naalakkersuisoq)

Akissuteqaat

(Aningaasaqarnermut Nunamullu Namminerumut Tunngassutilinnut Naalakkersuisoq)

Aappassaaneerinninneq

Naalakkersuisut sinnerlugit Aningaasaqarnermut Akileraartarnermullu Ataatsimiititaliaq ilassutitut isumaliutissiisummik suliaqarneranut qutsavigaara.

Ataatsimiititaliami amerlanerussuteqartut siunnersuutip itigartinneqarnissaanik inassuteqartut, ataatsimiititaliamilu ikinnerussuteqartut siunnersuutip akuerineqarnissaanik inassuteqartut Naalakkersuisut maluginiarpaat.

Aningaasaqarnermut Akileraartarnermullu Ataatsimiititaliap isumaliutissiisummini ilaatigut siunnersuutip assigiinngitsunik isertitalinnut sunniutigisinnaasai pillugit kisitsisitigut il.il. pitsaanagerusumik nassuiarneqarnissaannut periarfissaqartoq ersersippaa. Naalakkersuisut kaammattorneqarputtaaq inummut ilanngaatiq akigititanut nalimmassaasarneq inummut akileraartarneq pillugu iluarsartuusseqqinnermi suliamut ilanngunneqassasoq.

Ataatsimiititaliap oqaaseqaatai Naalakkersuisunit maluginiarneqarput aammalu inummut akileraartarneq pillugu aaqqissuusseqqinnermi suliamut ilanngutissallugit.

Ikinnerussuteqartut tunngavilersuutaat innersuussutigalugit siunnersuut saqqummiunneqartoq allannguutissatullu siunnersuutigineqartup pingajussaaneerinninnerlu sioqqullugu akuerineqarnissaat Naalakkersuisut inassuteqaatigaat.